

## 2 Yohane

---

**Ewa hia ac.**

<sup>1</sup>Qeria galeŋ neŋ Miŋ Kewuac gésimimia embac neŋgia zéma iwac nambérac héra ionac kiwi yomi o énécmizua. Neŋ Ackuazéc héla imuac qeriaiguc goi héihéi waŋ énécmianzua, waŋu neŋ sac qahac ackuazéc héla ninzu séc imuhuc goi héihéi waŋ énécmianzu. <sup>2</sup>Imi mia neŋaŋ qerininaiguc hema neŋaŋguc tetcgia qahac heanzac ackuazéc imuac niŋac mia imuhuc waŋanzu. <sup>3</sup>Ackuazéc héla zéma goi héihéi imuac qeriaiguc ewa hia zéma wésé ninuŋ zéma luaenéŋ Maŋgocnina Anutu zéma iwac Naŋa Yesu Kristo iorarunec mama neŋaŋguc hemac.

**Ac héla zéma goi héihéi.**

<sup>4</sup>Guac nambérac hécga tosaraneŋ Kurumeŋ Maŋgocneŋ nénézéyec séc ackuazéc héla imuac qeriaiguc keŋha waŋanzu imi inicma ségiségi yanda waŋanzua. <sup>5</sup>Embac yanda, neŋ zéseli génzua, goi héihéi waŋamuwiŋ. Imi mia héna ac qeliawac ménda ogénzua, néŋ imi hénihénia igucnec késa kecanzuŋ imuac mia ogénzua. <sup>6</sup>Neŋaŋ iwac héna ac imi tohoma kecbiŋ iminéŋ mia goi héihéi wanzac. Iwac héna ac imi yomuhuc; Hénihénia igucnec niŋanzu séciguc goi héihéi waŋamumu. <sup>7</sup>Ikoc ic sasalanéŋ baec séc kemma keczu. Imi eneŋ Yesu Kristoneŋ baec ic héla wamma mayec imi qaecgéanzu. Waŋu imuhucyanéŋ ikoc ic zéma Kristoac hazéchéra wanzu. <sup>8</sup>Imuac niŋ ini galeŋ meamumu, aininawac héla imi sohowac niŋac. Ménda sohoyu imuac bakia séciguc memu. <sup>9</sup>Méŋnéŋ méŋ ogicma walac kemma Kristoneŋ ac ku énécmiyec imuac qeriaiguc ménda kecanzac iminéŋ Anutuguc ménda kecanzac. Waŋu méŋnéŋ méŋ imuac qeriaiguc kecanzac iminéŋ Maŋgoc zéma Naŋa iriguc keczac. <sup>10</sup>Méŋnéŋ méŋ pakeŋ ac yomi ménda késama onac muru hayu amaginaiguc ménda hérémima yaizézé ac méŋ ménda ézému. <sup>11</sup>Méŋnéŋ méŋ yaizézégina zémac imi ic iminéŋ ai biria imuac méra mimia ic wammac.

**Tetcgiawac yaizézé ac.**

<sup>12</sup>Ac tosara sasala omaŋac séc, néŋ kiwiiguc kirifinéŋ ménda omaŋ zé wanzua. Imi mia ségiségi yandanéŋ neŋaŋ ewa qerinina kuaya

qemac niŋac ni nenaoc hama musuqeŋe wamma énézémanŋ zé wanŋua.  
13 Anutuac gésimimia embac dacmunaga méŋac nambérac héra ieneŋ  
yaiŋzéŋéga zéŋéŋzu.